

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-21-000 372

Datum, 06. oktobar 2021. godine

Na osnovu člana 31. stav 1. Zakona o sudovima u Federaciji BiH,
a u vezi sa članom 74. Zakona o državnoj službi u Tuzlanskom kantonu,
predsjednik Kantonalnog suda u Tuzli **d o n o s i**

O D L U K U

o proglašenju neuspjelim Internog oglasa za popunu
na neodređeno vrijeme upražnjenog radnog mjesta
višeg referenta za administrativno – tehničke poslove (sudski dostavljač)

I

Proglašava se neuspjelim Interni oglas za popunu na neodređeno
vrijeme upražnjenog radnog mjesta višeg referenta za administrativno –
tehničke poslove (sudski dostavljač), objavljenog na oglasnoj ploči suda
dana 20.09.2021. godine, web. stranici suda i dostavljenog državnim
organima na području Tuzlanskog kantona.

II

U skladu sa odredbom člana 74. Zakona o državnoj službi u
Tuzlanskom kantonu, popunjavanje upražnjenog radnog mjesta višeg
referenta za administrativno – tehničke poslove (sudski dostavljač)
izvršit će se putem Javnog oglasa koji će se objaviti u jednim dnevnim
novinama koji se distribuiraju na cijeloj teritoriji Bosne i Hercegovine i
na službenoj internet stranici Kantonalnog suda u Tuzli.

III

Ova Odluka stupa na snagu danom donošenja i bit će objavljena
na oglasnoj ploči suda.

O b r a z l o ž e n j e

Prema Pravilniku o unutrašnjoj organizaciji Kantonalnog suda u
Tuzli upražnjeno je radno mjesto – višeg referenta za administrativno –
tehničke poslove (sudski dostavljač), radi čega je Kantonalni sud u Tuzli
tražio od Vlade Tuzlanskog kantona saglasnost za popunu tog
upražnjenog radnog mjesta.

Vlada Tuzlanskog kantona donijela je odluku pod brojem 02/1-30-12115-1/21 od 07.09.2021. godine kojom daje saglasnost Kantonalnom sudu u Tuzli za prijem jednog namještenika na poslovima višeg referenta za administrativno – tehničke poslove (sudski dostavljač).

U skladu sa odredbom člana 72. i 73. Zakona o državnoj službi u Tuzlanskom kantonu raspisan je Interni oglas za popunu upražnjenog radnog mjesta koji je objavljen na oglasnoj ploči suda dana 20.09.2020. godine i istog dana na web. stranici suda, te dostavljen državnim organima na području Tuzlanskog kantona, kako bi kandidati mogli u roku od 8 dana podnijeti prijave na navedeni oglas.

Za provođenje procedure Internog oglasa imenovana je Komisija od 3 člana od kojih je jedan član predstavnik Sindikata, koji su nakon proteka roka od 8 dana, koji je određen za dostavljanje prijave, zapisnički dana 04.10.2021. godine konstatovali da je na Interni oglas podnesena samo jedna prijava i to prijava kandidata Dragana Milovanovića iz Tuzle.

Komisija za provođenje Internog oglasa utvrdila je da se na Interni oglas prijavio samo kandidat Dragan Milanović pa kako nije zadovoljan princip konkurentnosti, jer nije bilo više prijavljenih kandidata, to je zapisnik dostavila na dalje postupanje predsjedniku suda.

Odredbom člana 73. stav 2. Zakona o državnoj službi u Tuzlanskom kantonu propisano je da Komisija za provođenje Internog oglasa razmatra sve prijave podnesene na Interni oglas i utvrđuje listu kandidata koji ispunjavaju uslove oglasa i listu kandidata koji ne ispunjavaju uslove oglasa, o čemu sastavlja zapisnik, a dalje u stavu 3. istog člana citiranog Zakona, da rukovodilac organa državne službe odlučuje o prijemu namještenika u radni odnos sa liste kandidata koji ispunjavaju sve uslove Internog oglasa, o čemu donosi rješenje.

U konkretnoj situaciji na Interni oglas prijavu je podnio samo jedan kandidat, zbog čega u takvoj situaciji Komisija nije mogla sačiniti listu sa više kandidata koji ispunjavaju uslove Internog oglasa, jer je prijavu podnio samo jedan kandidat. Kako se u ovakvoj situaciji nije mogao ispoštovati princip konkurencije da se između nekoliko kandidata koji ispunjavaju uslove Internog oglasa izabere kandidat koji bi po kvalitetu bio najbolji kandidat za upražnjeno radno mjesto, predsjednik suda je odlučio da se proglasi neuspjelim Interni oglas za popunu upražnjenog radnog mjesta višeg referenta za administrativno – tehničke poslove (sudski dostavljač) i pristupi objavljivanju javnog oglasa za isto radno mjesto u jednim dnevnim novinama koji se distribuiraju na cijeloj teritoriji Bosne i Hercegovine i na službenoj internet stranici suda, a shodno odredbi člana 74. Zakona o državnoj službi u Tuzlanskom kantonu.

PREDSJEDNIK SUDA

Indira Hadžimehmedović